


舒梓溪全集十九



漢書門類			
一	四	一	七
四	一	七	九
冊	架	函	號

內閣文庫			
三	一	一	漢
六	四	一	書
函	冊	架	類

內閣文庫	
番號	漢 10417
冊數	14 (13)
函號	316 159





舒梓溪先生全集十九

淺草文庫

明進賢舒芬訂定

孫舒琛 輯錄

門人 魏良貴 校正

後學豫章 漆彬 校刊

西甌 趙秉忠 重証

內集卷之七

周禮定本八

周禮正經

天官篇

舒梓溪先生全集

卷之七

大宰之職掌建邦之六典以佐王治邦國一曰治典  
以經邦國二曰教典以安邦國三曰禮典以和邦  
國四曰政典以平邦國五曰刑典以詰邦國六曰  
事典以富邦國以八灋治官府一曰官屬以舉邦  
治二曰官職以辨邦治三曰官聯以會官治四曰  
官常以聽官治五曰官成以經邦治六曰官灋以  
正邦治七曰官刑以糾邦治八曰官計以弊邦治  
以八則治都鄙一曰祭祀以馭其神二曰灋則以  
馭其官三曰廢置以馭其吏四曰祿位以馭其士  
五曰賦貢以馭其用六曰禮俗以馭其民七曰刑

賞以馭其威八曰田役以馭其衆

此下有以八柄至其過六十四

字舒先生訂定移入內史職文充見剔偽

以九兩繫邦國之民一曰牧

以地得民二曰長以貴得民三曰師以賢得民四  
曰儒以道得民五曰宗以族得民六曰主以利得  
民七曰吏以治得民八曰友以任得民九曰藪以  
富得民此條舊本在九貢後以九貢致邦國之用一曰祀貢  
二曰嬪貢三曰噐貢四曰幣貢五曰材貢六曰貨  
貢七曰服貢八曰旂貢九曰物貢此條舊本在九式後以九  
賦斂財賄一曰邦中之賦二曰四郊之賦三曰郊  
甸之賦四曰家削之賦五曰邦縣之賦六曰邦都

之賦七曰關市之賦八曰山澤之賦九曰幣餘之  
賦此條舊本在九職後以九式均節財用一曰祭祀之式二  
曰賓客之式三曰喪荒之式四曰羞服之式五曰  
工事之式六曰幣帛之式七曰芻秣之式八曰匪  
頒之式九曰好用之式正月之吉始和布治于邦  
國都鄙乃縣治象之灋于象魏使萬民觀治象挾  
日而歛之乃施典于邦國而建其牧立其監設其  
參傳其伍陳其殷置其輔乃施則于都鄙而建其  
長立其兩設其伍陳其殷置其輔乃施法于官府  
而建其正立其貳設其攷陳其殷置其輔祀五帝

則掌百官之誓戒與其具脩前期十日帥執事而  
卜日遂戒及執事眡滌濯及納亨贊王性事及祀  
之日贊玉幣爵之事祀大神示亦如之享先王亦  
如之贊玉凡玉爵大朝覲會同贊玉幣玉獻玉凡  
玉爵大喪贊贈玉含玉作大事則戒于百官贊王  
命王眡治朝則贊聽治眡四方之聽朝亦如之凡  
邦之小治則冢宰聽之歲終則令百官府各正其  
治受其會聽其致事而詔王廢置三歲則大計群  
吏之治而誅賞之

小宰之職掌邦之六典八灋八則之貳以逆邦國都

林淵以集 卷之七 三  
鄙官府之治執邦之九貢九賦九式之貳以均財  
節邦用以官府之六屬舉邦治一曰天官其屬六  
十掌邦治大事則從其長小事則專達二曰地官  
其屬六十掌邦教大事則從其長小事則專達三  
曰春官其屬六十掌邦禮大事則從其長小事則  
專達四曰夏官其屬六十掌邦政大事則從其長  
小事則專達五曰秋官其屬六十掌邦刑大事則  
從其長小事則專達六曰冬官其屬六十掌邦事  
大事則從其長小事則專達以官府之六職辨邦  
治一曰治職以平邦國以均萬民以節財用二曰

教職以安邦國以寧萬民以懷賓客三曰禮職以  
和邦國以諧萬民以事鬼神四曰政職以服邦國  
以正萬民以聚百物五曰刑職以詰邦國以糾萬  
民以除盜賊六曰事職以富邦國以養萬民以生  
百物以官府之六聯合邦治一曰祭祀之聯事二  
曰賓客之聯事三曰喪荒之聯事四曰軍旅之聯  
事五曰田役之聯事六曰欽弛之聯事凡小事皆  
有聯以官府之八誠經邦治一曰聽政役以比居  
二曰聽師田以簡稽三曰聽閭里以版圖四曰聽  
稱責以傳別五曰聽祿位以禮命六曰聽取予以

書契七曰聽賣買以質劑八曰聽出入以要會以  
 聽府府之六計弊群吏之治一曰庶善二曰庶能  
 三曰庶敬四曰庶正五曰庶灋六曰庶辨以灋掌  
 祭祀朝覲會同賓客之戒其軍旅田役喪荒亦如  
 之七事者令百官府共其財用治其施舍聽其治  
 訟凡祭祀贊王幣爵之事裸將之事凡賓客贊裸  
 凡受爵之事凡幣之事喪荒受其含禭幣玉之事  
 歲終則令群吏致事正歲帥治官之屬而觀治象  
 之灋徇以木鐸曰不用灋者國有常刑舊本有自  
 刑三十九字舒先生剔去之

宰夫之職掌治朝之灋以正王及三公六卿大夫群  
 吏之位掌其禁令以官府之六敘正群吏一曰以  
 敘正其位二曰以敘進其治三曰以敘作其事四  
 曰以敘制其食五曰以敘受其會六曰以敘聽其  
 情右六敘一條舊本係小宰  
 職文舒先生訂移於此掌百官府之徵令辨  
 其八職一曰正掌官灋以治要二曰師掌官成以  
 治凡三曰司掌官灋以治目四曰旅掌官常以治  
 數五曰府掌官契以治藏六曰史掌官書以贊治  
 七曰胥掌官敘以治敘八曰徒掌官令以徵令掌  
 治灋以攷百官府群都縣鄙之治乘其財用之出

入凡失財用物辟名者以官刑詔冢宰而誅之其  
足用長財善物者賞之以式灋掌祭祀之戒具與  
其薦羞從大宰而祗滌濯凡禮事贊小宰比官府  
之具凡朝覲會同賓客以牢禮之灋掌其牢禮委  
積膳獻飲食賓賜之殮牽與其陳數凡邦之弔事  
掌其戒令與其幣器財用凡所共者大喪小喪掌  
小官之戒令帥執事而治之三公六卿之喪與職  
喪帥官有司而治之凡諸大夫之喪使其旅帥有  
司而治之歲終則令群吏正歲會月終則令正月  
要旬終則令正日成而以攷其治治不以時舉者

以告而誅之

舊本有正歲至于上二十九字舒先生剔去之

朝大夫掌都家之國治日朝以聽國事故以告其君  
長國有政令則令其朝大夫凡都家之治于國者  
必因其朝大夫然後聽之唯大事弗因凡都家之  
治有不及者則誅其朝大夫在軍旅則誅其有司  
此舊本在秋官之末舒先生訂定在此說見五官敘辨

宮正掌建邦之宮刑以治王宮之政令凡宮之糾禁

剔去王宮之戒令五字入建邦至宮之十五字以舊本係小宰職文舒先生訂定于此說見剔僞以

時比宮中之官府次舍之衆寡爲之版以待夕擊  
析而比之國有故則令宿其比亦如之辨外內而

時禁稽其功緒糾其德行幾其出入均其稍食去其淫怠與其奇衰之民會其什伍而教之道藝春

秋以木鐸脩火禁此句在凡邦之大事一條後舒先生訂定在此凡邦之

大事令于王宮之官府次舍無去守而聽政令凡

邦之事蹕宮中廟中則執燭大喪則授廬舍辨其

親疏貴賤之居月終則會其稍食歲終則會其行

事自月終至行事十四字舊本在道藝字後凡邦字前舒先生訂定于此正歲則以

灋警戒群吏令脩宮中之職事書其能者與其良

者而以告于上此二十九字舊本在宰夫職文之末舒先生訂定于此乃退

以宮刑憲禁于王宮令于百官府曰各脩乃職攷

乃灋待乃事以聽王命其有不共則國有大刑此十九字舊本在小宰職文之末舒先生訂定于此

宮伯掌王宮之士庶子凡在版者掌其政令行其秩

敎授八次八舍之職事若邦有大事作宮衆則令

之月終則均秩歲終則均敎以時頒其衣裘掌其

誅賞

宮人掌王之六寢之脩為其井匱除其不蠲去其惡

臭共王之沐浴凡寢中之事埽除執燭共鑪炭凡

勞事四方之舍事亦如之

此下有掌舍幕人掌次三官職舒先生刪去訂定附于司空說見敎辨



內宰掌以陰禮教六宮以陰禮教九嬪以婦職之灋  
 教九御使各有屬以作二事正其服禁其竒衰展  
 其功緒大祭祀后裸獻則贊瑤爵亦如之正后之  
 服位而詔其禮樂之儀贊九嬪之禮事凡賓客之  
 裸獻瑤爵皆贊致后之賓客之禮凡喪事佐后使  
 治外內命婦正其服位凡建國佐后立市設其次  
 置其敘正其肆陳其貨賄出其度量淳制祭之以  
 陰禮中春詔后帥外內命婦始蠶于北郊以為祭  
 服歲終則會內人之稍食稽其功事佐后而受獻  
 功者比其小大與其麤良而賞罰之上春詔王后

帥六宮之人而生種稷之種而獻之于王

內小臣掌王后之命后出入則前驅若有祭祀賓客  
 喪紀則擯詔后之禮事相九嬪之禮事正內人之  
 禮事徹后之俎后有好事于四方則使往有好令  
 於卿大夫則亦如之掌王之陰事陰令

閹人掌守王宮之中門之禁以時啓閉以時啓閉四字舊本在幾

其出入之後舒先生訂定在此喪服凶器不入宮潛服賊器不入

宮竒服怪民不入宮凡內人公器賓客無帥則幾  
 其出入凡外內命夫命婦出入則為之闢掌埽門  
 庭大祭祀喪紀之事設門燎躡宮門廟門凡賓客

亦如之

寺人掌王之內人及女宮之戒令相道其出入之事而糾之若有喪紀賓客祭祀之事則帥女宮而致於有司凡內人弔臨于外則帥而住立于其前而詔相之

內豎掌內外之通令凡小事若有祭祀賓客喪紀之事則爲內人蹕王后之喪遷于宮中則前蹕及葬執褻器以從遣車

九嬪掌婦學之灋以教九御婦德婦言婦容婦功各帥其屬而以時御敎于王所凡祭祀贊玉盥贊后薦徹豆籩若有賓客則從后大喪帥敎哭者亦如之

世婦掌祭祀賓客喪紀之事帥女宮而濯概爲盥盛凡祭之日泣陳女宮之具凡內羞之物掌弔臨于卿大夫之喪

女御掌御敎于王之燕寢以歲時獻功事凡祭祀贊世婦大喪掌沐浴后之喪持翣從世婦而弔于卿大夫之喪

此下有女祝一條舒先生訂定移入宗伯女巫之後說見敎辨

女史掌王后之禮職掌內治之貳以詔后治內政逆內宮書內令凡后之事以禮從

以上十職舊本宮人在冪人之後內

宰以下在掌皮之後殊滑襍無章舒先生訂定如  
右蓋皆王宮之官宜各以類敘也

膳夫掌王之食飲膳羞以養王及后世子凡王之饋  
食用六穀膳用六牲飲用六清羞用百二十品珍  
用八物醬用百有二十罋王曰一舉鼎十有二物  
皆有俎以樂侑食膳夫授祭品嘗食王乃食卒食  
以樂徹于造王齊曰三舉大喪則不舉大荒則不  
舉大札則不舉天地有裁則不舉邦有大故則不  
舉王燕食則奉膳贊祭凡王祭祀賓客食則徹王  
之胙俎凡王之稍事設薦脯醢王燕飲酒則爲獻  
主掌后及世子之膳羞凡肉脩之頒賜皆掌之凡

祭祀之致福者受而膳之以摯見者亦如之歲終  
則會唯王及后世子之膳不會

庖人掌共六畜六獸六禽辨其名物凡其死生鱻麇  
之物以共王之膳與其薦羞之物及后世子之膳  
羞共祭祀之好羞共喪紀之庶羞賓客之禽獸凡  
令禽獸以灋授之其出入亦如之歲終則會唯王  
及后之膳禽不會

內饗掌王及后世子膳羞之割亨煎和之事辨體名  
肉物辨百品味之物王舉則陳其鼎俎以牲體實  
之選百羞醬物珍物以俟饋共后及世子之膳羞

此下舊本有辨腥臊至臂膊四十八凡宗廟之祭  
 字舒先生剔去附入食醫膳膏膾下  
 祀掌割亨之事凡燕飲食亦如之凡掌共羞脩刑  
 膾胖骨鱠以待共膳凡王之好賜肉脩則饗人共  
 之

外饗掌外祭祀之割亨共其脯脩刑膾陳其鼎俎實  
 之牲體魚腊凡賓客之殮饗饗食之事亦如之饗  
 饗耆老孤子則掌其割亨之事饗士庶子亦如之  
 師役則掌共其獻賜脯肉之事凡小喪紀陳其鼎  
 俎而實之

亨人掌共鼎鑊以給水火之齊職外內饗之饗亨煮

辨膳羞之物祭祀共大羹鉶羹鉶客亦如之此下有旬  
 師一職舒先生釘定移在御史之後

獸人掌罟田獸辨其名物冬獻狼夏獻麋春秋獻獸  
 物時田則守罟及弊田令禽注于虞中凡祭祀喪  
 紀賓客共其死獸生獸凡獸人于腊入皮毛筋骨  
 入於玉府凡田獸者掌其政令  
 廩人掌以時廩為梁春廩王鮪辨魚物為鱻蕘以共  
 王膳羞凡祭祀賓客喪紀共其魚之鱻蕘凡廩者  
 掌其政令凡廩征入于玉府

鼈人掌取互物以時簠魚鼈龜蜃凡貍物春獻鼈蜃

秋獻龜魚祭祀共麤羸蚘以授醢人掌凡邦之籍事

腊人掌乾肉凡田獸之脯腊臠胖之事凡祭祀共豆脯薦脯臠胖凡腊物賓客喪紀共其脯腊凡乾肉之事

酒正掌酒之政令以式灋授酒材凡爲公酒者亦如之辨五齊之名一曰泛齊二曰醴齊三曰盎齊四曰緹齊五曰沈齊辨三酒之物一曰事酒二曰昔酒三曰清酒辨四飲之物一曰清二曰醬三曰漿四曰醕掌其厚薄之齊以共王之四飲三酒之饌

及后世子之飲與其酒凡祭祀以灋共五齊三酒以實八尊大祭三貳中祭再貳小祭壹貳皆有酌數唯齊酒不貳皆有器量共賓客之禮酒共后之致飲于賓客之禮醫醕糟皆使其士奉之凡王之燕飲酒共其計酒正奉之凡饗士庶子饗耆老孤子皆奉其酒無酌數掌酒之賜頒皆有灋以行之凡有秩酒者以書契授之酒正之出日入其成月入其要小宰聽之歲終則會唯王及后之飲酒不會以酒式誅賞

酒人掌爲五齊三酒祭祀則共奉之以役世婦共賓

客之禮酒飲酒而奉之凡事共酒而入于酒府凡祭祀共酒以往賓客之陳酒亦如之

漿人掌共王之六飲水漿醴涼醫醕入于酒府共賓

客之稍禮共夫人致飲于賓客之禮清醴醫醕糟

而奉之凡飲共之此下凌人一職舒先生訂定移在夏官司權之前又有遵醴醢

鹽冪人五職移屬宗伯說見序辨○自膳夫至此凡十二官舊本膳夫在宮伯之後而酒正以上復

間醫師等五職殊為淆襍舒先生訂定如右蓋掌王飲食所以保王躬者宜即敘次於王宮之官也

弁師掌王之伍冕皆玄冕朱裏延紐五采纁十有二

就皆五采玉十有二玉笄朱紘諸侯之纁旂九就

璿玉三采其餘如王之事纁旂皆就玉瑱玉笄王

之皮弁會五采玉璿象邸玉笄王之弁經弁而加

環經諸侯及孤卿大夫之冕韋弁皮弁弁經各以

其等為之而掌其禁令此條舊本在大司馬內舒先生訂移于此說見敘辨

司服掌王之吉凶衣服辨其名物與其用事王之吉

服祀昊天上帝則服其大裘而冕祀五帝亦如之

享先王則衮冕享先公饗射則鷩冕祀四望山川

則毳冕祭社稷五祀則希冕祭群小祀則玄冕凡

兵事韋弁服眡朝則皮弁服凡甸冠弁服凡凶事

服弁服凡吊事弁經服凡喪為天王斬衰為王后

齊衰王為三公六卿錫衰為諸侯緦衰為大夫士

疑衰其首服皆弁經大札大荒大裁素服公之服  
自衮冕而下如王之服侯伯之服自鷩冕而下如  
公之服子男之服自毳冕而下如侯伯之服孤之  
服自希冕而下如子男之服卿大夫之服自玄冕  
而下如孤之服其凶服加以大功小功士之服自  
皮弁而下如大夫之服其凶服亦如之其齊服有  
玄端素端凡大祭祀大賓客共其衣服而奉之大  
喪共其復衣服歛衣服奠衣服廡衣服皆掌其陳  
序此條舊本在大宗伯內訂移于此說見敘辨

司裘掌為大裘以共王祀天之服中秋獻良裘王乃

行羽物季秋獻功裘以待頒賜王大射則共虎侯

熊侯豹侯設其鵠諸侯則共熊侯豹侯卿大夫則

共麋侯皆設其鵠大裘廡裘飾皮車凡邦之皮事

掌之歲終則會唯王之裘與其皮事不會舊本在職幣後

內司服掌王后之六服褙衣揄狄闕狄鞠衣展衣緣

衣素沙辨外內命婦之服鞠衣展衣緣衣素沙凡

祭祀賓客共后之衣服及九嬪世婦凡命婦共其

衣服共喪衰亦如之后之喪共其衣服凡內具之

物舊本在典泉後

典婦功掌婦式之灋以授嬪婦及內人女工之事齋

凡授嬪婦功及秋獻功辨其苦良比其小大而賈之物書而揭之以共王及后之用頒之于內府典絲掌絲入而辨其物以其賈揭之掌其藏與其出以待與功之時頒絲于外內工皆以物授之凡上之賜予亦如之及獻功則受良功而藏之辨其物而書其數以待有司之政令上之賜予凡祭祀共黼畫組就之物喪紀共其絲纊組文之物凡飾邦器者受文織絲組焉歲終則各以其物會之舊本在女史後

典臬掌布總縷紵之麻草之物以待時頒功而授齋

及獻功受苦功以其賈揭而藏之以待時頒頒衣服授之賜予亦如之歲終則各以其物會之

掌皮掌秋歛皮冬歛革春獻之遂以式灋頒皮革于百工共其毳毛為氈以待邦事歲終則會其財齎

舊本在司裘後

縫人掌王宮之縫線之事以役女御以縫王及后之衣服喪縫棺飾焉衣翬柳之材掌凡內之縫事舊本

在內司服後

染人掌染絲帛凡染春暴練夏纁玄秋染夏冬獻功掌凡染事



追師掌王后之首服為副編次追衡笄為九嬪及外  
內命婦之首服以待祭祀賓客喪紀共笄經亦如  
之

履人掌王及后之服履為赤鳥黑鳥赤纁黃纁青句

素履葛屨辨外內命夫命婦之命履功履散履凡

四時之祭祀以宜服之此下有夏采一職移附宗伯

醫師掌醫之政令聚毒藥以共醫事凡邦之有疾病  
者疢瘍者造焉則使醫分而治之歲終則稽其醫  
事以制其食十全為上十失一次之十失二次之  
十失三次之十失四為下

食醫掌和王之六食六飲六膳百羞百醬八珍之齊

凡食齊眡春時羨齊眡夏時醬齊眡秋時飲齊眡

冬時凡和春多酸夏多苦秋多辛冬多鹹調以滑

甘凡會膳食之宜牛宜稌羊宜黍豕宜稷犬宜梁

鴈宜麥魚宜苽春宜羔豚膳膏香夏宜牯鱠膳膏

臊秋宜犢麝膳膏腥冬宜鱸羽膳膏羶辨腥臊羶

香之不可食者牛夜鳴則瘡羊冷毛而毳羶犬赤

股而躁臊鳥皞色而沙鳴豕盲眡而交睫腥馬

黑脊而般臂蠖雛尾不盈握弗食舒鴈翠鴝鴉胖

舒鳧翠雞肝鴈腎鶉奧鹿胃凡食肉曰脫之魚曰

作之棗曰新之栗曰撰之桃曰膽之粗梨曰攢之  
狼去腸狗去腎狸去正脊兔去尻狐去首豚去腦  
魚去乙鼈去醜不食雛鼈凡君子之食恒放焉

疾醫掌養萬民之疾病四時皆有癘疾春時有瘡首  
疾夏時有痒疥疾秋時有瘡寒疾冬時有漱上氣  
疾以五味五穀五藥養其病以五氣五聲五色眡  
其死生兩之以九竅之變參之以九藏之動凡民  
之有疾病者分而治之死終則各書其所以而入  
于醫師

瘍醫掌腫瘍潰瘍金瘍折瘍之祝藥副殺之齊凡療  
瘍以五毒攻之以五氣養之以五藥療之以五味  
節之凡藥以酸養骨以辛養筋以鹹養脉以苦養  
氣以滑養竅凡有瘍者受其藥焉

獸醫掌療獸病療獸瘍凡療獸病灌而行之以節之  
以動其氣觀其所發而養之凡療獸瘍灌而副之  
以發其惡然後藥之養食之凡獸之有病者有瘍  
者使療之死則計其數以進退之

內史掌王之八柄之灋以詔王馭群臣一曰爵以馭  
其貴二曰祿以馭其富三曰廢以馭其罪四曰置  
以馭其行五曰殺以馭其過六曰生以馭其福七

曰予以馭其幸八曰奪以馭其貧執國灋及國令之貳以攷政事以逆會計掌敘事之法受納訪以詔王聽治凡命諸侯及孤卿大夫則策命之凡四方之事書內史讀之王制祿則贊為之以方出之賞賜亦如之內史掌書王命遂貳之

外史掌書外令掌四方之志掌三皇五帝之書掌達書名于四方若以書使于四方則書其令

御史掌邦國都鄙及萬民之治令以贊冢宰凡治者

受灋令焉掌贊書凡數從政者

右自內史至此三職舊本在宗伯內舒先生訂移于此說見敘辨

甸師掌帥其屬而耕耨王籍以時入之以共齎盛祭祀共簫茅共野菓祿之薦喪事代王受青莪王之同姓有辜則死刑焉帥其徒以薪蒸役外內饗之事

凌人掌冰正歲十有二月令斬冰三其凌春始治鑑凡外內饗之膳羞鑑焉凡酒漿之酒醴亦如之祭祀共冰鑑賓客共冰大喪共夷槃冰夏頒冰掌事秋刷

司燿掌行火之政令四時變國火以救時疾季春出火民咸從之季秋內火民亦如之時則施火令凡

祭祀則祭燿凡國失火野焚萊則有刑罰焉

此條舊本在大司馬內舒先生訂定移入于此說見序辨

大府掌九貢九賦九功之貳以受其貨賄之入頒其貨于受藏之府頒其賄于受用之府凡官府都鄙之吏及執事者受財用焉凡頒財以式灋授之關市之賦以待王之膳服邦中之賦以待賓客四郊之賦以待稍秣家削之賦以待匪頒邦甸之賦以待工事邦縣之賦以待幣帛邦都之賦以待祭祀山澤之賦以待喪紀幣餘之賦以待賜予凡邦之賦用取具焉歲終則以貨賄之入出會之

玉府掌王之金玉玩好兵器凡良貨賄之藏共王之服玉佩玉珠玉王齊則共食玉大喪共含玉復衣裳角枕角柶掌王之燕衣服枉席牀第凡褻器若合諸侯則共珠槃玉敦凡王之獻金玉兵器文織良貨賄之物受而藏之好賜共其貨賄

內府掌受九貢九賦九功之貨賄良兵器以待邦之大用凡四方之幣獻之金玉齒革兵器凡良貨賄入焉凡適四方使者共其所受之物而奉之凡王及冢宰之好賜予則共之

外府掌邦布之入出以共百物而待邦之用共王及

后世子之衣服之用凡祭祀賓客喪紀會同軍旅  
共其財用之幣齎賜予之財用凡邦之小用皆受  
焉歲終則會唯王及后之服不會

司會掌邦之六典八灋八則之貳以逆邦國都鄙之  
治掌國之官府郊野縣都之百物財用凡在書契  
版圖者之貳以逆群吏之治而聽其會計以參互  
考日成以月要考月成以歲會考歲成以周知四  
國之治以詔王及冢宰廢置此下有司書一職舒  
先生剔去之說見序  
辨

職內掌邦之賦入辨其財用之物而執其總以貳官  
府都鄙之財入之數逆邦國之賦用凡受財者受  
其貳令而書之及會以逆職歲與官府財用之出  
而敘其財以待邦之移用

職歲掌邦之賦出以貳官府都鄙之財出賜之數以  
待會計而攷之凡官府都鄙群吏之出財用受式  
灋丁職歲凡上之賜予以敘與職幣授之及會以  
式灋贊逆會

職幣掌式灋以歛官府都鄙與凡用邦財者之幣振  
掌事者之餘財皆辨其物而奠其錄以書揭之以  
詔上之小用賜予歲終則會其出凡邦之會事以

式灋贊之

周禮定本九

周禮正經

地官篇

大司徒之職

舊本此句下有掌邦之土地至豐肉而痺二百十五字即冬官錯簡舒先生剔

去之而采吳氏說掌明人之五倫以佐王協和邦

國一曰父子之倫二曰君臣之倫三曰夫婦之倫

四曰長幼之倫五曰朋友之倫因此五物者民之

常而施十有二教焉一曰以祀禮教敬則民不苟

二曰以陽禮教讓則民不爭三曰以陰禮教親則

民不怨四曰以樂禮教和則民不乖五曰以儀辨

等則民不越六曰以俗教安則民不偷七曰以刑

教中則民不遽八曰以誓教恤則民不怠九曰以

度教節則民知足十曰以世事教能則民不失職

十有一曰以賢制爵則民慎德十有二曰以庸制

祿則民興功此下舊本有以土宜至同衣服止凡十一條舒先生剔去之証入冬官

以八統詔王馭萬民一曰親親二曰敬故三曰進

賢四曰使能五曰保庸六曰尊貴七曰達吏八曰

禮賓此條舊本係冢宰職以鄉三物教萬民而賓

興之一曰六德智仁聖義忠和二曰六行孝友睦

姍任恤三曰六藝禮樂射御書數以鄉八刑糾萬  
民一曰不孝之刑二曰不睦之刑三曰不嫺之刑  
四曰不弟之刑五曰不任之刑六曰不恤之刑七  
曰造言之刑八曰亂民之刑以五禮防萬民之偽  
而教之中以六樂防萬民之情而教之和凡萬民  
之不服教而有訟獄者聽而斷之其附于刑者歸  
于士以上四條舊本在  
頒執事一條後正月之吉始和布教于邦  
國都鄙乃縣教象之灋于象魏使萬民觀教象挾  
日而歛之乃施教灋于邦國都鄙使之各以教其  
所治民令五家爲比使之相保五比爲閭使之相

受四閭爲族使之相葬五族爲黨使之相救五黨

爲州使之相調五州爲鄉使之相賓

此條下有頒  
執事至服事

六十八字  
已剔去之

祀五帝奉牛牲羞其肆享先王亦如之

大喪師六鄉之衆庶屬其六引而治其政令歲終  
則令教官政治而致事正歲令于教官曰各共爾  
職脩乃事以聽王命其有不正則國有常刑

小司徒之職掌建邦之教灋以稽國中及四郊都鄙  
之夫家九比之數以辨其貴賤老幼廢疾凡征役  
之施舍與其祭祀飲食喪紀之禁令乃頒比灋于  
六鄉之大夫使各登其鄉之衆寡以歲時入其數

以施政教行徵令及三年則大比大比則受邦國之比要乃會萬民之卒伍而用之五人為伍五伍

為兩四兩為卒五卒為旅五旅為師五師為軍此

舊本有以起軍旅至胥竭凡用衆庶則掌其政教

與其戒禁聽其詞訟施其賞罰誅其犯命者凡國

之大事致民大故致餘子此下舊本有乃經土地

經剔去凡小祭祀奉牛牲羞其肆大軍旅帥其衆庶

小軍旅巡役治其政令大喪帥邦役治其政教此

舊本有建邦至圖正之歲終則攷其屬官之治成

二十五字已經剔去而誅賞令群吏正要會而致事正歲則帥其屬而

觀教灋之象徇以木鐸曰不用灋者國有常刑令

群吏憲禁令脩灋糾職以待邦治及大比六鄉四

郊之吏平教治正政事攷夫屋及其衆寡以待政

令

鄉師之職各掌其所治鄉之教而聽其治凡四時之

田前期出田灋于州里簡其鼓鐸旗物兵器脩其

卒伍及期以司徒之大旗致衆庶而陳之以旗物

辨鄉邑而治其政令刑禁巡其前後之屯而戮其

犯命者斷其爭禽之訟自凡四時至此舊大祭祀

羞牛牲共茅菹大軍旅會同政治其徒役舉其輦



輦戮其犯命者大喪用後則帥其民而至遂治之  
及葬執纛以與匠師御匱而治役及窆執斧以蒞  
匠師自大祭至此舊本大役則帥民徒而至治其  
政令既後則受州里之役要以攷司空之辟以逆  
其役事凡邦事令作秩叙凡四時之徵令有常者  
以木鐸徇于市朝以歲時巡國及野而調萬民之  
嬉阨以王命施惠歲終則攷六鄉之治詔廢置正  
歲稽其鄉噐比共吉凶二服間共祭噐族共喪噐  
黨共射噐州共賓噐鄉共吉凶禮樂之噐若國夫  
比則攷教察辭稽噐展事以詔誅賞

之政令正歲則讀教灋如初三年大比則大攷州  
里以贊鄉大夫廢興

黨正各掌其黨之政令教治及四時之孟月吉日則  
屬民而讀邦灋以糾戒之春秋祭禴亦如之國索  
鬼神而祭祀則以禮屬民而飲酒于序以正齒位  
壹命齒于鄉里再命齒於父族三命而不齒凡其  
黨之祭祀喪紀昏冠飲酒教其禮事掌其戒禁凡  
作民而師田行役則以其灋治其政事歲終則會  
其黨政帥其吏而致事正歲屬民讀灋而書其德  
行道藝以歲時涖校比及大比亦如之

族師各掌其族之戒令政事月吉則屬民而讀邦灋書其孝弟睦婣有學者春秋祭酺亦如之以邦比之灋帥四閭之吏以時屬民而校登其族之夫家衆寡辨其貴賤老幼廢疾可任者五家爲比十家爲聯五人爲伍十人爲聯四閭爲族八閭爲聯使之相保相受刑罰慶賞相及相共以受邦職以役國事以相葬埋若作民而師田行役則合其卒伍簡其兵器以鼓鐸旗物帥而至掌其令戒禁刑罰歲終則會政致事

閭胥各掌其閭之徵令以歲時各數其閭之衆寡辨其施舍凡春秋之祭祀役政喪紀之數聚衆庶旣比則讀灋書其敬敏任恤者凡事掌其比觶撻罰之事

比長各掌其比之治五家相受相和親有臯竒衰則相及徙于國中及郊則從而授之若徙于他則爲之旌節而行之若無授無節則唯圜土內之師氏掌以媿詔王以三德教國子一曰至德以爲道本二曰敏德以爲行本三曰孝德以知逆惡教三行一曰孝行以親父母二曰友行以尊賢良三曰順行以事師長居虎門之左司王朝掌國中失之

事以教國子弟凡國之貴遊子弟學焉凡祭祀賓客會同喪紀軍旅王舉則從聽治亦如之使其屬帥四夷之隸各以其兵服守王之門外且蹕朝在野外則守內列

保氏掌諫王惡而養國子以道乃教之六藝一曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬之容凡祭祀賓客會同喪紀軍旅王舉則從聽治亦如之使其屬守王闈

諸子掌國子之倅掌其戒令與其教治辨其等正其位國有大事則帥國子而致於太子唯所用之若有兵甲之事則授之車甲合其卒伍置其有司以軍灋治之司馬弗正凡國正弗及大祭祀正六牲之體凡樂事正舞事正舞位授舞器大喪正群子之服位會同賓客作群子從凡國之政事國子存遊倅使之脩德學道春合諸學秋合諸射以攷其藝而進退之

此官舊本屬大司馬舒先生采吳氏說訂定在此

司諫掌糾萬民之德而勸之朋友正其行而強之道藝巡問而觀察之以時書其德行道藝辨其能而

可任於國事者以攷鄉里之治以詔廢置以行赦宥

司救掌萬民之衰惡過失而誅讓之以禮防禁而救之凡民之有衰惡三讓而罰三罰而士如明刑耻諸嘉石役諸司空其有過失者三讓而罰三罰而歸于園土凡歲時有天患民病則以節巡國中及郊野而以王命施惠

司市掌市之治教政刑量度禁令以次序分地而經市以陳肆辯物而平市以政令禁物靡而均市以商賈阜貨而行市以量度成賈而徵價以質劑結信而止訟以賈民禁僞而除詐以刑罰禁越而去盜以泉府同貨而歛賒大市日廼而市百族為主朝市朝時而市商賈為主夕市夕時而市販夫販婦為主凡市入則胥執鞭度守門而巡其前掌其坐作出入之禁令襲其不正者凡有罪者撻戮而罰之市之市之群吏平肆展成奠賈上旌于思次以令市市師涖焉而聽大治大訟胥師賈師涖于介次而聽小治小訟凡萬民之期于市者辟布者量度者刑戮者各於其地之敘凡得貨賄六畜者亦如之三日而舉之凡治市之貨賄六畜珍異亡

者使有利者使阜害者使亡靡者使微凡通貨賄以璽節出入之國凶荒札喪則市無征而作布凡市偽飾之禁在民者十有三在商者十有二在賈者十有二在工者十有二市刑小刑憲罰中刑狗罰大刑扑罰其附于刑者歸于士國君過市則刑人赦夫人過市罰一幕世子過市罰一帘命夫過市罰一蓋命婦過市罰一帷凡會同師役市司帥賈師而從治其市政掌其賣價之事

此以下至司開舊本在媒後氏之

賢人掌成市之貨賄人民牛馬兵器珍異凡賣債者

質劑焉大市以質小市以劑掌稽市之書契同其度量壹其淳制巡而攷之犯禁者舉而罰之凡治質劑者國中一旬郊二旬野三旬都三月邦國葺期內聽期外不聽

廛人掌歛市歛布總布質布罰布廛布而入于泉府凡屠者歛其皮角筋骨入于王府凡珍異之有滯者歛而入于膳府

胥師各掌其次之政令而平其貨賄憲刑禁焉察其詐偽飾行僨慝者而誅罰之聽其小治小訟而斷之

賈師各掌其次之貨賄之治辨其物而均平之展其成而奠其賈然後令市凡天患禁貴價者使有恒賈四時之珍異亦如之凡國之賣價各帥其屬而嗣掌其月凡師役會同亦如之

司虺掌憲市之禁令禁其鬪鬪者與其虺亂者出入相凌犯者以屬遊飲食于市者若不可禁則搏而戮之

司稽掌巡市而察其犯禁者與其不物者而搏之掌執市之盜賊以徇且刑之

肆長各掌其肆之政令陳其貨賄名相近者相遠也

實相近者相爾也而平正之歛其總布掌其戒禁泉府掌以市之征布歛市之不售貨之滯於民用者以其賈買之物揭而書之以待不時而買者買者各從其抵都鄙從其主國人郊人從其有司然後予之凡賒者祭祀無過旬日喪紀無過三月凡民之貸者與其有司辨而授之以國服爲之息凡國事之財用取具焉歲終則會其出入而納其餘司門掌授管鍵以啓閉國門幾出入不物者正其貨賄凡財物犯禁者舉之以其財養死政之老與其孤祭祀之牛牲繫焉監門養之凡歲時之門受其

餘凡四方之賓客造焉則以告

司關掌國貨之節以聯門市司貨賄之出入者掌其治禁與其征廛凡貨不出於關者舉其貨罰其人凡所達貨賄者則以節傳出之國函札則無關門之征猶幾凡四方之賓客敬關則爲之告有外內之送令則以節傳內之

媒氏掌萬民之判凡男女自成名以上皆書年月日名焉令男三十而娶女二十而嫁凡娶判妻入子者皆書之中春之月令會男女於是時也奔者不禁若無故而不用令者罰之司男女之無夫家者

而會之凡嫁子娶妻入幣純帛無過五兩禁遷葬者與嫁殤者凡男女之陰訟聽之于勝國之社其附于刑者歸之于士

此條舊本在調人後

調人掌司萬民之難而諧和之凡過而殺傷人者以民成之鳥獸亦如之凡和難父之讎辟諸海外兄弟之讎辟諸千里之外從父兄弟之讎不同國君之讎眡父師長之讎眡兄弟主友之讎眡從父兄弟弗辟則與之瑞節而以執之凡殺人而義者不同國令勿讎讎使邦國交讎之凡殺人而義者不同國令勿讎讎之則死凡有鬪怒者成之不可成者則書之先動

者誅之

此條舊本在司救後

大司樂掌成均之灋以治建國之學政而合國之子弟焉凡有道者有德者使教焉則以爲樂祖祭於瞽宗以樂德教國子中和祇庸孝友以樂語教國子興道諷誦言語以樂舞教國子舞凡樂事大祭祀宿縣遂以聲展之王出入則令奏王夏屍出入則令奏肆夏牲出入則令奏昭夏帥國子而舞大饗不入牲其他皆如祭祀大射王出入令奏王夏及射令奏騶虞詔諸侯以弓矢舞王大食三宥皆令奏鍾鼓王師大獻則令奏愷樂凡日月食四鎮五嶽崩大傀異哉諸侯薨令去樂大札大凶大哉大臣死凡國之大憂令弛縣凡建國禁其淫聲過聲凶聲慢聲大喪泣廡樂器及塋藏樂器亦如之樂師掌國學之政以教國子小舞凡舞有佻舞有羽舞有皇舞有旄舞有干舞有人舞教樂儀行以肆夏趨以采薺車亦如之環拜以鍾鼓爲節凡射王以騶虞爲節諸侯以貍首爲節大夫以采蘋爲節士以采蘩爲節凡樂掌其序事治其樂政凡國之小事用樂者令奏鍾鼓凡樂成則告備詔來瞽臯舞及徹帥學士而歌徹令相饗食諸侯序其樂事



令奏鍾鼓令相如祭之儀燕射帥射夫以弓矢舞樂出入令奏鍾鼓凡軍大獻教愷歌遂唱之凡喪陳樂器則帥樂官及序哭亦如之凡樂官掌其政令聽其治訟

大胥掌學士之版以待致諸子春入學舍采合舞秋頒學合聲以六樂之會正舞位以序出入舞者比樂官展樂器凡祭之用樂者以鼓徵學士

小胥掌學士之徵令而比之饜其不敬者巡舞列而撻其怠慢者正樂縣之位王宮縣諸侯軒縣卿大夫判縣士特縣辨其聲凡縣鍾磬半爲堵全爲肆

大師掌六律六同以合陰陽之聲陽聲黃鍾大簇姑洗蕤賓夷則無射陰聲大呂應南呂函鍾小呂夾鍾皆文之五聲宮商角徵羽皆播之以八音金石土革絲木匏竹教六詩曰風曰賦曰比曰興曰雅曰頌以六德爲之本以六律爲之音大祭祀帥瞽登歌令奏擊拊下管播樂器令奏鼓鞀大饗亦如之大射帥瞽而歌射節大師執同律以聽軍聲而詔吉凶大喪帥瞽而廡作匱謚凡國之瞽矇正焉小師掌教鼓鼗祝敔塤簫管絃歌大祭祀登歌擊拊下管擊應鼓徹歌大饗亦如之大喪與廡凡小祭

祀小樂事鼓棟掌六樂聲音之節與其和

瞽朦掌播鼗祝敔埴簫管弦歌諷誦詩世奠繫鼓琴瑟掌九德六詩之歌以役大師

眡瞭掌凡樂事播鼗擊頌磬笙磬掌大師之縣凡樂事相瞽大喪廡樂器大旅亦如之賓射皆奏其鍾鼓鼈愷獻亦如之

典同掌六律六同之和以辯天地四方陰陽之聲以爲樂器凡聲高聲碨正聲緩下聲肆陂聲散險聲歛達聲羸微聲餽回聲衍侈聲侳弁聲鬱薄聲甄厚聲石凡爲樂器以十有二律爲之數度以十有二聲爲之齊量凡和樂亦如之

磬師掌教擊磬擊編鍾教縵樂燕樂之鍾磬凡祭祀奏縵樂

鍾師掌金奏凡樂事以鍾鼓奏九夏王夏肆夏昭夏納夏章夏齊夏族夏械夏鼈夏凡祭祀饗食奏燕樂凡射王奏騶虞諸侯奏貍首卿大夫奏采蘋士奏采芣掌鞀鼓縵樂

笙師掌教歛等笙埴簫簫篪邃管春牘應雅以教祓樂凡祭祀饗射共其鍾笙之樂亦如之大喪廡其樂器及葬奉而藏之大旅則陳之

鑄師掌金奏之鼓凡祭祀鼓其金奏之樂饗食賓射亦如之軍大獻則鼓其愷樂凡軍之夜三鑿皆鼓之守鑿亦如之大喪歆其樂器奉而藏之

鼓人掌教六鼓四金之音聲以節聲樂以和軍旅以正田役教爲鼓而辯其聲用以雷鼓鼓神祀以靈鼓鼓社祭以路鼓鼓鬼享以鼗鼓鼓軍事以鞀鼓鼓役事以晉鼓鼓金奏以金錞和鼓以金鐻節鼓以金鐃止鼓以金鐸通鼓凡祭祀百物之神鼓兵舞舞者凡軍旅夜鼓鑿軍動則鼓其衆田役亦如之救日月則詔王鼓大喪則詔大僕鼓

舞師掌教兵舞帥而舞山川之祭祀教帔舞帥而舞社稷之祭祀教羽舞帥而舞四方之祭祀教皇舞帥而舞旱暵之事凡野舞則皆教之凡小祭祀則不興舞此二條舊本在封人之後

韎師掌教誅樂祭祀則帥其屬而舞之大饗亦如之旄人掌教舞散樂舞夷樂凡四方之以舞仕者屬焉凡祭祀賓客舞其燕樂

籥師掌教國子舞羽籥籥祭祀則鼓羽籥之舞賓客饗食則亦如之大喪歆其樂器奉而藏之

籥章掌土鼓豳籥中春晝擊土鼓歆豳詩以逆暑中

秋夜迎寒亦如之凡國祈年于田祖歛函雅擊土鼓以樂田畯國祭蜡則歛函頌擊土鼓以息老物鞮鞻氏掌四夷之樂與其聲歌祭祀則歛而歌之燕亦如之

典庸器掌藏樂器庸器及祭祀帥其屬而設筍虞陳庸器饗食賓射亦如之大喪廡筍虞

司干掌舞器祭祀舞者既陳則授舞器既則受之賓饗亦如之大喪廡舞器及葬奉而藏之自大司樂至此凡二

十二官唯鼓人舞師係司徒舊文其餘舊本之屬春官舒先生訂定移入于此說見敘辨伊耆氏掌國之大祭祀共其杖咸軍旅受有爵者杖

共王之齒杖此官職舊本屬秋官訂移于此說見敘辨

封人掌設王之社壇凡封國設其社稷之壇令社稷之職凡祭祀飾其牛牲設其福衡置其綏共其水稟歌舞牲及毛炮之豚凡喪紀賓客軍旅大盟則飾其牛牲此條舊本在比長之後

牧人掌牧六牲而阜蕃其物以共祭祀之牲牲凡陽祀用騂牲毛之陰祀用黝牲毛之望祀各以其方之色牲毛之凡時祀之牲必用牲物凡外祭毀事用彪可也凡祭祀共其犧牲以授充人繫之凡牲不繫者共奉之

牛人掌養國之公牛以待國之政令凡祭祀共其享  
 牛求牛以授職人而芻之凡賓客之事共其牢禮  
 積膳之牛饗食賓射共其膳羞之牛軍事共其稿  
 牛喪事共其奠牛凡會同軍旅行役共其兵車之  
 牛與其牽傍以載公任噐凡祭祀共其牛牲之互  
 與其盆簠以待事

充人掌繫祭祀之牲牲祀五帝則繫牢芻之三月享  
 先王亦如之凡散祭祀之牲繫于國門使養之展  
 牲則告牲碩牲則贊以上三職舊本在舞師之後

羊人掌羊牲凡祭祀饈羔祭祀割羊牲登其首凡祈  
 珥共其羊牲賓客共其灋羊凡沈辜侯禳釁積共  
 其羊牲若牧人無牲則受布于司馬使其賈買牲  
 而共之

小子掌祭祀羞羊肆羊殽肉豆而掌珥于社稷祈于  
 五祀凡沈辜侯禳飾其牲釁邦噐及軍噐凡師田  
 斬牲以左右狗陳祭祀贊羞受徹焉此二職舊本屬夏官舒先

生訂定在此說見敘辨

司祿亡

周禮定本卷十

周禮正經

春官篇

大宗伯之職掌建邦之五禮以佐王建邦保國以吉禮事邦國之鬼神示以禋祀祀昊天上帝以實柴祀日月星辰以禋燎祀司中司命飆師雨師以血祭祭社稷五祀五嶽以貍沈祭山林川澤以鬯辜祭四方百物以肆獻裸享先王以饋食享先王以祠春享先王以禴夏享先王以嘗秋享先王以烝冬享先王以凶禮哀邦國之憂以喪禮哀死亡以荒禮哀凶札以弔禮哀禍哉以禴禮哀圍則以恤禮哀寇亂以賓禮親邦國春見曰朝夏見曰宗秋

見曰覲冬見曰遇時見曰會殷見曰同時聘曰問殷覲曰視以軍禮同邦國大師之禮用衆也大均之禮恤衆也大田之禮簡衆也大役之禮任衆也大封之禮合衆也以嘉親萬民以飲食之禮親宗族兄弟以昏冠之禮親成男女以賓射之禮親故舊朋友以饗燕之禮親四方之賓客以賑膳之禮親兄弟之國以九儀之命正邦國之位壹命受職再命受服三命受位四命受器五命賜則六命賜官七命賜國八命作牧九命作伯以玉作六瑞以等邦國王執鎮圭公執桓圭侯執信圭伯執躬圭

子執穀璧男執蒲璧以禽作六摯以等諸侯孤執皮帛卿執羔大夫執鴈士執雉庶人執鶩工商執雞以玉作六噐以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其噐之色以天產作陰德以中禮防之以地產作陽德以和樂防之以禮樂合天地之化百物之產以事鬼神以諧萬民以致百物凡祀大神享大鬼祭大示帥執事而卜日宿眡滌濯泣玉鬯省牲鑊奉玉盞詔大號治其大禮詔相王之大禮若王不與祭祀則攝位凡大祭祀王后不與則攝而薦豆籩徹大賓客則攝而載果朝覲會同則爲上相大喪亦如之王哭諸侯亦如之王命諸侯則儼國有大故則旅上帝及四望王大封則先告后土乃頒祀于邦國都家鄉邑

小宗伯之職掌建國之神位右社稷左宗廟兆五帝於四郊四望四類亦如之兆山川丘陵墳衍各因其方掌五禮之禁令與其用等辯廟祧之昭穆辯吉凶之五服車旗宮室之禁掌三族之別以辯親疎其正室皆謂之門子掌其政令毛六牲辨其名

物而頒之于五官使共奉之辨六齎之名物與其  
用使六宮之人共奉之辨六彝之名物以待果將  
辨六尊之名物以待祭祀賓客掌衣服車旗宮室  
之賞賜掌四時祭祀之序事與其禮若國大貞則  
奉玉帛以詔號大祭祀省牲眡滌濯祭之日逆齎  
省鑊告時于王告備于王凡祭祀賓客以時將瓚  
果詔相祭祀之小禮凡大禮佐大宗伯賜卿大夫  
士爵則儻小祭祀掌事如大宗伯之禮大賓客受  
其將幣之齎若大師則帥有司而立軍社奉主車  
若軍將有事則與祭有司將事于四望若大甸則

帥有司而饁獸于郊遂頒禽大裁及執事禱祠於  
上下神示王崩大肆以秬鬯泔及執事涖大歛小  
歛帥異族而佐縣衰冠之式于路門之外及執事  
眡葬獻噐遂哭之卜葬兆甫窆亦如之既葬詔相  
喪祭之禮成葬而祭墓爲位凡王之會同軍旅甸  
役之禱祠肆儀爲位國有禍裁則亦如之凡天地  
之大裁類社稷宗廟則爲位凡國之大禮佐大宗  
伯凡小禮掌事如大宗伯之儀

肆師之職掌立國祀之禮以佐大宗伯立大祀用玉  
帛牲牲立次祀用牲幣立小祀用牲以歲時序其



祭祀及其祈珥大祭祀展犧牲繫于牢頒于職人  
凡祭祀之卜日宿爲期詔相其禮眡滌濯亦如之  
祭之日表齋盛告潔展噐陳告備及果築鬻相治  
小禮誅其慢怠者掌兆中廟中之禁令凡祭祀禮  
成則告事畢大賓客泣筵凡築鬻贊果將大朝覲  
佐儻共設匪壘之禮饗食授祭與祝侯攘于曷及  
郊大喪大溘以鬯則築鬻令外內命婦序哭禁外  
內命男女之衰不中灋者且授之杖凡師甸用牲  
于社宗則爲位類造上帝封于大神祭兵于山川  
亦如之凡師不功則助牽主車凡四時之大甸獵

祭表貉則爲位嘗之日泣卜來歲之芟獮之日泣  
卜來歲之戒社之日泣卜來歲之稼若國有大故  
則令國人祭歲時之祭祀亦如之凡卿大夫之喪  
相其禮凡國之大事治其禮儀以佐宗伯凡國之  
小事治其禮儀而掌其事如宗伯之禮

都宗人掌都宗祀之禮凡都祭祀致福于國正都禮  
與其服若有寇戎之事則保群神之壝國有大故  
則令禱祠既祭反命于國

家宗人掌宗家祭祀之禮凡祭祀致福國有大故則  
令禱祠反命祭亦如之掌家禮與其衣服宮室車

旗之禁令凡以神仕者掌三辰之法以猶鬼神示之居辨其名物以冬日至致天神人鬼以夏日至致地示物鬼以禘國之凶荒民之札喪此上二條舊本在末訂移於此

鬱人掌裸噐凡祭祀賓客之裸事和鬱鬯以實彝而陳之凡裸玉濯之陳之以贊裸事詔裸將之儀與其節凡裸事沃盥大喪之泚共其肆噐及喪共其裸噐遂貍之大祭祀與量人受舉筭之卒爵而飲之

鬯人掌共秬鬯而飾之凡祭祀社壇用大壘崇門用瓢齋廟用脩凡山川四方別蜃凡裸事用概凡鬮事用散大喪之大泚設斗共其釁鬯凡王之齊事共秬鬯凡王吊臨共介鬯此下有鷄人一職訂移于後典祀之前司尊彝掌六尊六彝之位詔其酌辨其用與其實春祠夏禴裸用雞彝鳥彝皆有舟其朝踐用兩獻尊其再獻用兩家象尊皆有壘諸臣之所昨也秋嘗冬烝裸用斝彝黃彝皆有舟其朝獻用兩著尊其饋獻用兩壺尊皆有壘諸臣之所昨也凡四時之間祀追享朝享裸用虎彝雉彝皆有舟其踐用兩大尊其再獻用兩山尊皆有壘諸臣之所昨也凡

六彝六尊之酌鬱齊獻酌醴齊縮酌盎齊泂酌凡酒脩酌大喪存奠彝大旅亦如之

司几筵掌五几五筵之名物辨其用與其位凡大朝覲大享射凡封國命諸侯王位設黼依依前南鄉設莞筵紛純加縹席畫純加次黼純左右王几祀先王昨席亦如之諸侯之祀席蒲筵績純加莞席紛純右彫几昨席莞筵紛純加縹席畫純筵國賓于牖前亦如之左彤几甸役則設熊席右漆几凡喪事設葦席右素几其柏席用萑黼純諸侯則紛純每敦一几凡吉事變几凶仍几

籩人掌四籩之實朝事之籩其實麩黃白黑形鹽臠鮑魚鱠饋食之籩其實棗栗桃乾榛榛實加籩之實淩芡棗脯羞籩之實糗餌粉飧凡祭祀共其籩薦羞之實喪事及賓客之事共其薦籩羞籩爲王及后世子共其內羞凡籩事掌之

醢人掌四豆之實朝事之豆其實韭菹醢醢昌本麋麇菁菹鹿麇菹菹麋饋食之豆其實葵菹羸醢脾析蠹醢蜃蚘醢豚拍魚醢加豆之實芹菹兔醢深蒲醢醢落菹鴈醢筍醢魚醢羞豆之實醢食糝食凡祭祀共薦羞之豆實賓客喪紀亦如之爲王

及后世子共其內羞王舉則共醢六十壚以五齊  
七醢七菹三醢實之賓客之禮共醢五十壚凡事  
共醢

醢人掌共五齊七菹凡醢物以共祭祀之齊菹凡醢  
醬之物賓客亦如之王舉則共齊菹醢物六十壚  
共后及世子之醬齊菹賓客之禮共醢五十壚凡  
事共醢

鹽人掌鹽之政令以共百事之鹽祭祀共苦鹽散鹽  
賓客共其形鹽散鹽王之膳羞共飴鹽后及世子  
亦如之凡齊事鬻鹽以待戒令

冪人掌共巾冪祭祀以疏布巾冪八尊以畫布巾冪

六彝凡王巾皆黼

以上五職舊本屬天官訂移于此蓋皆掌祭儀之官宜以類從

宗伯也

大僕掌正王之服位出入王之大命掌諸侯之復逆  
王眡朝則前正位而退入亦如之建路鼓于大寢  
之門外而掌其政以待達窮者與遽令聞鼓聲則  
速逆御僕與庶子祭祀賓客喪紀正王之服位詔  
法儀贊王牲事王出入則自左馭而前驅凡軍旅  
田役贊王鼓救日月亦如之大喪始崩戒鼓傳達  
四方窆亦如之縣喪晉服之法于宮門掌三公孤

卿之吊勞王燕飲則相其法王射則贊弓矢王眡燕朝則正位掌擯相王不眡朝則辭於三公及孤卿

小臣掌王之小命詔相王之小法儀掌三公及孤卿之復逆正王之燕服位王之燕出入則前驅大祭祀朝覲沃王盥小祭祀賓客饗食賓射掌事如大僕之法掌士大夫之吊勞凡大事佐大僕

祭僕掌受命于王以眡祭祀而警戒祭祀有司糾百官之戒具既祭帥群有司而反命以王命勞之誅其不敬者大喪復于小廟凡祭祀王之所不與則

賜之禽都家亦如之凡祭祀致福者展而受之

御僕掌群吏之逆及庶民之復與其吊勞大祭祀相

盥而登大喪持鬋掌王之燕令以序守路鼓

隸僕掌五寢之掃除糞灑之事祭祀脩寢王行洗乘

石掌蹕宮中之事大喪復于小寢大寢以上五職舊本屬夏

官訂移於此說見敘辨

宗宗字舊本作世婦掌女宮之宿戒及祭祀比其具詔王后

之禮事帥六宮之人共齎盛相外內宗之禮事大賓客之饗食亦如之大喪比外內命婦之朝莫哭不敬者而苛罰之凡王后有擗事於婦人則詔相

凡內事有達於外官者宗婦掌之

內宗掌宗廟之祭祀薦加豆籩及以樂徹則佐傳豆籩賓客之饗食亦如之王后有事則從大喪序哭者哭諸侯亦如之凡大夫之喪掌其弔臨

外宗掌宗廟之祭祀佐王后薦玉豆眡豆籩及以樂徹亦如之王后以樂羞齎則贊凡王后之獻亦如之王后不與則贊宗伯小祭祀掌事賓客之事亦如之大喪則敘外內朝莫哭者哭諸侯亦如之以上三職舊本在守祧之後

大卜掌三兆之灋一曰玉兆二曰瓦兆三曰原兆其

經兆之體皆百有二十其頌皆千有二百掌三易之灋一曰連山二曰歸藏三曰周易其經卦皆八其別皆六十有四掌三夢之灋一曰致夢二曰觴夢三曰咸陟其經運十其別九十以邦事作龜之八命一曰征二曰象三曰與四曰謀五曰果六曰至七曰雨八曰廖以八命者贊三兆三易三夢之占以觀國家之吉凶以詔救政凡國大貞卜立君卜大封則眡高作龜大祭祀則眡高命龜凡小事涖卜國大遷大師則貞龜凡旅陳龜凡喪事命龜卜師掌開龜之四兆一曰方兆二曰功兆三曰義兆

四曰弓兆凡卜事眡高揚火以作龜致其墨凡卜辨龜之上下右左陰陽以授命龜者而詔相之龜人掌六龜之屬各有名物天龜曰靈屬地龜曰繹屬東龜曰果屬西龜曰靄屬南龜曰獵屬北龜曰繹若屬各以其方之色與其體辨之凡取龜用秋時攻龜用春時各以其物入于龜室上春釁龜祭祀先卜若有祭祀則奉龜以往旅亦如之喪亦如之蕪氏掌共焦契以待卜事凡卜以明火燹焦遂歛其燹契以授卜師遂役之

占人掌占龜以八簪占八頌以八卦占簪之八故以眡吉凶凡卜簪君占體大夫占色史占墨卜人占坼凡卜簪既事則繫幣以比其命歲終則計其占之中否

簪人掌三易以辯九簪之名一曰連山二曰歸藏三曰周易九簪之名一曰簪更二曰簪咸三曰簪式四曰簪目五曰簪易六曰簪比七曰簪祠八曰簪參九曰簪環以辯吉凶凡國之大事先簪而後卜上春相簪凡國事共簪

大祝掌六祝之辭以事鬼神示祈福祥求永貞一曰順祝二曰年祝三曰吉祝四曰化祝五曰瑞祝六

禮記集解 卷之七  
曰筴祝掌六祈以同鬼神示一曰類二曰造三曰  
禴四曰禘五曰攻六曰說作六辭以通上下親疎  
遠近一曰祠二曰命三曰誥四曰會五曰禱六曰  
誅辯六號一曰神號二曰鬼號三曰示號四曰牲  
號五曰齎號六曰幣號辯九祭一曰命祭二曰衍  
祭三曰炮祭四曰周祭五曰振祭六曰擣祭七曰  
絕祭八曰繚祭九曰共祭辨九擗一曰稽首二曰  
頓首三曰空首四曰振動五曰吉擗六曰吉擗七  
曰竒擗八曰袋擗九曰肅擗以享右祭祀凡大禋  
祀肆享祭示則執明水火而號祝隋爨逆牲逆尸

令鐘鼓右亦如之來瞽令臯舞相尸禮既祭令徹  
大喪始崩以肆鬯泚尸相飯贊歛徹奠言甸人讀  
禱付練祥掌國事國有大故天災彌祀社稷禱祠  
大師宜于社造于祖設軍社類上帝國將有事于  
四望及軍歸獻于社則前祝大會同造于廟宜于  
社過大山川則用事焉及舍奠建邦國先告土用  
牲幣禁督逆祀命者頒祭號于邦國都鄙  
小祝掌小祭祀將事侯禳禱祠之祝號以祈福祥順  
豐年逆時雨寧風旱弭災兵遠臯疾大祭祀逆齎  
盛送逆尸沃尸盥贊隋贊徹贊奠凡事佐大祝大



喪贊泚設熬置銘及塋設道齎之奠分禱五祀大  
師掌釁祈號祝有寇戎之事則保郊祀于社凡外  
內小祭祀小喪紀小會同小軍旅掌事焉

喪祝掌大喪勸防之事及辟令啓及朝御匱乃奠乃  
祖飾棺乃載遂御及塋御匱出官乃代及壙說載  
除飾小喪亦如之掌喪祭祝號王弔則與巫前掌  
勝國邑之社稷之祝號以祭祀禱祠焉凡卿大夫  
之喪掌事而歛飾棺焉

甸祝掌四時之田表貉之祝號舍奠于祖廟禴亦如  
之師田致禽于虞中乃屬禽及郊饁獸舍奠于祖  
禴乃歛禽禴牲禴馬皆掌其祝號

詛祝掌盟詛類造攻說檜崇之祝號作盟詛之載辭  
以敘國之信用以質邦國之劑信

司巫掌群巫之政令若國大旱則帥巫而舞雩國有  
大災則帥巫而造巫恒祭祀則共匱主及道布及  
菹館凡祭事守瘞凡喪事掌巫降之禮

男巫掌望祀衍授號旁招以茅冬堂贈無方無筭春  
招弭以除疾病王弔則與祝前

女巫掌歲時祓除釁浴早暎則舞雩若王后弔則與  
祝前凡邦之大裁歌哭而請以上七職舊本在賦

女祝掌王后之內祭祀凡內禱祠之事掌以時招梗  
檜禳之事以除疾殃

天府掌祖廟之守藏與其禁令凡國之玉鎮大寶器  
藏焉若有大祭大喪則出而陳之既事藏之凡官  
府鄉州及都鄙之治中受而藏之以詔王察群吏  
之治上春釁寶鎮及寶器凡吉凶之事祖廟之中  
沃盥執燭季冬陳玉以貞來歲之燬惡若遷寶則  
奉之若祭天之司民司祿而獻民數穀數則受而  
藏之 此條舊本在司几筵後

守祧掌守先王先公之廟祧其遺衣服藏焉若將祭

祀則各以其服授尸其廟則有司脩除之其祧則

守祧黜聖之既祭則藏其脩與其服 此條舊本在典祀後

大史掌正歲年以序事頒之于官府及都鄙頒告朔

于邦國閏月詔王居門終月大祭祀與執事卜日

戒及宿之日與群執事讀禮書而協事祭之日執

書以次位常大會同朝覲以書協禮事及將幣之

日執書以詔王大師抱天時與大師同車大遷國

抱瀼以前大喪執瀼以涖勸防遣之日讀誅凡喪

事攷焉小喪賜謚凡射事飾中舍筭執其禮事

小史掌邦國之志奠繫世辨昭穆若有事則詔王之

忌諱大祭祀讀禮法史以書序昭穆若之俎簋大喪大賓客大會同大軍旅佐大史凡國事之用禮法者掌其小事卿大夫之喪賜謚讀誄

此二條舊本在女巫

之後

典瑞掌玉瑞玉器之藏辨其名物與其用事設其服飾王晉大圭執鎮圭纁藉五采五就以朝日公執桓圭侯執信圭伯執躬圭纁皆三采三就子執穀璧男執蒲璧纁皆二采再就以朝覲宗遇會同于王諸侯相見亦如之瑑圭璋璧琮纁皆二采一就以煩聘四圭有邸以祀天旅上帝兩圭有邸以祀

地旅四望裸圭有瓚以祀先王以裸賓客圭璧以祀日月星辰璋邸射以祭山川以造贈賓客土圭以致四時日月封國則以土地珍圭以徵守以恤凶荒牙璋以起軍旅以治兵守璧羨以起度駟圭璋璧琮琥璜之渠眉䟽璧琮以歛尸穀圭以和難以聘女琬圭以治德以結好琰圭以易行以除慝大祭祀大旅凡賓客之事共其玉器而奉之大喪共飯玉蒼玉贈王凡玉器出則共奉之典命掌諸侯之伍儀諸臣之五等之命上公九命爲伯其國家宮室車旗衣服禮儀皆以九爲節侯伯

七命其國家宮室車旗衣服禮儀皆以七為節子  
 男五命其國家宮室車旗衣服禮儀皆以五為節  
 王之三公八命其卿六命其大夫四命及其出封  
 皆加一等其國家宮室車旗衣服禮儀亦如之凡  
 諸侯之適子誓於天子攝其君則下其君之禮一  
 等未誓則以皮帛繼子男公之孤四命以皮帛  
 小國之君其卿三命其大夫再命其士一命其宮  
 室車旗衣服禮儀各祗其命之數侯伯之卿大夫  
 士亦如之子男之卿再命其大夫一命其士不命  
 其宮室車旗衣服禮儀各祗其命之數

此二條舊本在天府

之後

馮相氏掌十有二歲十有二月十有二辰十日二十  
 有八星之位辯其敘事以會天位冬夏致日春秋  
 致月以辨四時之敘

保章氏掌天星以致志星辰日月之變動以觀天下  
 之遷辨其吉凶以星土辨九州之地所封封域皆  
 有分星以觀沃祥以十有二歲之相觀天下之妖  
 祥以五雲之物辨吉凶水旱降豐荒之侵象以十  
 有二風察天地之和命乖別之妖祥凡此五物者  
 以詔救政訪序事

此二條舊本在小史後

眠視掌十輝之灋以觀妖祥辨吉凶一曰侵二曰象  
三曰鑄四曰監五曰闇六曰曹七曰彌八曰敘九  
曰濟十曰想掌安宅敘降正歲則行事歲終則弊  
其事 此條舊本在占夢後

占夢掌其歲時觀天地之會辨陰陽之氣以日月星  
辰占六夢之吉凶一曰正夢二曰噩夢三曰思夢  
四曰寤夢五曰喜夢六曰懼夢季冬聘王夢獻吉  
夢于王王拜而受之乃舍萌于四方以贈惡夢遂  
令始難毆疫 此條舊本在箬人後


雞人掌共雞牲辯其物大祭祀夜嘒旦以詔百官凡

國之大賓客會同軍旅喪紀亦如之凡國事為期  
則告之告凡祭祀百禳釁共其雞牲 此條舊本在  
鬯人之後

典祀掌外祀之兆守皆有域掌其政令若以時祭祀  
則帥其屬而脩除徼役于司隸而役之及祭帥其  
屬而守其厲禁而蹕之

夏采掌大喪以冕服復于大祖以乘車建綏復于四  
郊 舊本屬天官訂移在此說見敘辨

方相氏掌蒙熊皮黃金四目玄衣朱裳執戈揚盾帥  
百隸而時難以索室毆疫大喪先匱及墓入壙以  
戈擊四隅毆方良 舊本屬夏官在節服氏後訂移  
于此



職喪掌諸侯之喪及卿大夫士凡有爵者之喪以國之喪禮涖其禁令序其事凡國有可以王命有事焉則詔贊主人凡其喪祭詔其號治其禮凡公有所司之所共職喪令之趣其事

舊本在墓大夫後

冢人掌公墓之地辨其兆域而爲之圖先王之塋居中以昭穆爲左右凡諸侯居左右以前卿大夫士居後各以其族凡死於兵者不入兆域凡有功者居前以爵等爲丘封之度與其樹數大喪既有日請度甫窆遂爲之尸及窆以度爲丘隧共喪之窆器及塋言鸞車象人及窆執斧以涖遂入藏凶器

正墓位蹕墓域守墓禁凡祭墓爲尸凡諸侯及諸臣塋於墓者授之兆爲之蹕均其禁

舊本在外宗後

墓大夫掌凡邦墓之地域爲之圖令國民族塋而掌其禁令正其位掌其度數使皆有私地域凡爭墓地者聽其獄訟帥其屬而巡墓厲居其中之室以守之

杉江内集

卷之七

五

